

СЛУЖБА

Преподобной Марфе
Дивеевской

НА МАЛОЙ ВЕЧЕРНИ.

На Господи, воззвах: стихирь, глас 6

Приидите, вернии людие,/ во святую обитель Дивеевскую,/иже Четвертым Жребием Божия Матере нарицается,/ ублажим верную рабу Владычицы Пресвятыя Богородицы преподобную Марфу/ и, припадающи к честным и многоцелебным мощем,/ яко заповеда преподобный Серафим,/ усердно помолимся://Помяни нас, госпоже и мати наша,// у Престола Божия во Царствии Небеснем.

Како по достоинству воспоим матерь нашу Марфу,/ дивную начальницу Дивеева Небеснаго,/ от юности благодать Святаго Духа стяжавшую/ и ныне у Престола Пресвятыя Троицы молящуюся о спасении душ наших.

Киими недостойными усты/ восхвалим ныне вселюбезную матерь нашу Марфу,/ кротостию, чистотою, послушанием совершенным/ в отрочестве Богу угодившую,/ собеседницу великаго старца Серафима,/ дивную молчальницу и хранительницу тайн Божиих об обители Дивеевской,/ подающую усердно просящим мир и велию милость.

Слава, глас 5

Подобен: «Радуйся»

Боголюбива, милостива, смиренна мудрованием/ и любве исполнена явилася еси,/ Невесто Христова Марфо,/ аки ангел на земли поживши,/ кончину блаженную в юных летех прияти сподобилася еси/ и венец улучити петленный,/ молися о любовию чтующих тя.

И ныне праздника, глас 6

Приидите, всемирное успенис/ Всенепорочныя Богородицы празднуем,/ днесъ бо Ангели торжествуют/ честное представление Божия Матере/ и к веселию нас, земных, призывают/ вопити немолчным гласом:/ радуйся, преставльшаяся от земли/ и к Небесным обителем пресельшааяся./ Радуйся, яже ученический лик облаком

легким во едино собравшая./ Радуйся, упование и спасение наше,/ Тя
бо христианский род непрестанно ублажаст.

Прокимен дне.

На стиховне стихиры, глас 2

Всех радостей Радость,/ Всеблагословенная Богородица Дева,/ радости вечныя тебе снодобила есть,/ госпоже и матери наша Марфо преподобная,/ яко служительнице Свою верную.

Радостию на подвиги потекла еси,/ ограждаема силою Божественною,/ Богородицею избранная матери преподобная, Марфо славная,/ молися о чтущих тя верно.

Великий Ангельский образ восприявши,/ начальницею Небесного Дивесва/ ты явилася еси, преподобная Марфо,/ помолися за чтущия тя.

Слава, глас 1

Отроковице благодатная Богородице Марие,/ радости вся исполнила еси,/ даровавши верным обитель Свою святую,/ иже Четвертым жребием именуется,/ небесною начальницею обители избравши отроковицу всеславную Марфу./ Велия сила чудес Твоих,/ Богомати, спаси Тя величающия.

И ныне праздника, глас 2

Двери Небесныя,/ возмитеся,/ зряще дверь Вышияго,/ идущу со славою/ к Сыну и Богу.

НА ВЕЛИЦЕЙ ВЕЧЕРНИ:

На Господи, воззвах: стихиры праздника, глас 1

О, дивное чудо! Источник Жизни/ во гробе полагается,/ и лествица к Небеси гроб бывает./ Веселися, Гефсимание,/ Богородичен святый доме./ Возопием, верии,/ Гавриила имуще чиноначальника:/ Благодатная, радуйся,/ с Тобою Господь,/ подаяй мирови Тобою велию милость.

Дивны Твоя тайны, Богородице:/ Вышняго престол/ явилася еси, Владычице,/ и от земли к Небеси преставилася еси днесъ./ Слава Твоя боголепная,/ богоподобными сияющи чудесы./ Девы с Материю Царёвою,/ на высоту вознесошася./ Благодатная, радуйся,/ с Тобою Господь,/ подаяй мирови Тобою велию милость.

Твое славят успение/ Власти и Престоли,/ Начала и Господства,/ Силы и Херувими и страшнии Серафими,/ радуются земнороднии,/ о Божественней Твоей славе красящиеся,/ припадают людие со Архангелы и Ангелы и воспевают:/ Благодатная, радуйся,/ с Тобою Господь,/ подаяй мирови Тобою велию милость.

Ины стихиры святыя, глас 4

Светися, обитель Божия Матере, и веселися,/ ныне воистину священный и радостный наста праздник,/ непорочную певесту Христову венчаем песенными цветы./ Небеса убо достойно да веселятся, земля же да радуется,/ и покини же твоими, Марфо, молитвами хранимы, ликуют,/ спасаеши от напастей нечаемых и бед/ и благодать исцелений подаеши/ совершающим святозарную память твою.

Дивны Твоя тайны, Богородице:/ явила бо еси в Дивееве последний удел Твой во вселенней,/ дарования всех жребиев Твоих имущий/ и благодать обильную Всесвятаго Духа Божия,/ ныне обогатившийся мощами преподобных жен во обители сей

просиявших/ Александры и Елены с ними же и Марфы,/ одесную Тебе предстоящей,/ приведеся бо вслед Тебе искрення Твоя послушница,/ в веселии и радовании в храм небесный введенная/ и Всемилостивому Спасу о спасении нашем тепле молится,// даровати душам нашим мир и велию милость.

О, преподобная мати наша Марфо,/ измлада Господа возлюбившая/ и Ему усердно во обители сей послужившая/ юная собеседнице и любимая послушница преподобнаго Серафима,/ начальницею Небеснаго Дивеева им нареченная,/ непрестанную молитву Иисусову стяжавшая и великия схимы от Господа удостоившаяся,/ ныне в моцах почиваеши и исцеления всем с верою и любовию к тебе притекающим источаеши,// темже усердно молим тя: помяни нас у Престола Божия.

Глас 8

Преподобная мати наша Марфо,/ Жениха Христа издѣтска вожделевшая,/ свещу твою светло уготовала еси,/ добродетельми духовно просиявши, славная,/ преставилася еси божественно радующися,/ на Небеси ныне Престолу Божию предстоиши,/ на земли духом любви с нами пребываеши,/ имеющи велие дерзновение ко Господу и Пречистей Его Матери,// темже молися от бед избавити любовию величающих тя.

Преподобная мати наша Марфо,/ небесною чистотою просияла еси,/ Чистыя Девы служительница верная явилася еси,/ приими малое моление наше,/ милостива буди тя призывающим,/ страстей мрачную бурю отжени,/ скорбь и стечания сердечная иреложи на радость,/ ко пристанищу тишины божественные настави,/ от отчаяния сохрани, недужных скоро исцели/ и моли неизвестно Небесе и земли Царицу/ сохранити обитель сию от наветов вражиих необориму// и спастися душам нашим.

Слава, глас 8

Преподобная мати Марфо всехвальная,/ любовь имела еси, совершение добродетелей,/ тайны будущия, предреченныея преподобным Серафимом/ об обители Дивеевской и великой славе ея хранила еси,/ наставлениям старца верно последовала еси,/ чиста, кротка и непорочна была еси,/ Царствие Божие внутрь себе стяжавши,/ всем житием своим Создателю послуживши,/ Егоже возлюбила еси, Егоже ради подвизалася еси,/ Ему же о нас молися во Царствии Небеснем.

И ныне, праздника, глас 6

Приидите, всемирное успение/ Всенепорочныя Богородицы празднуем,/ днесь бо Ангели торжествуют/ честное представление Божия Матере/ и к веселию нас, земных, призывают/ вспомнить немолчным гласом:/ радуйся, представляющаяся от земли и к Небесным обителем пресельшаяся./ Радуйся, яже ученический лик облаком легким во едино собравшая./ Радуйся, упование и спасение наше,/ Тя бо христианский род непрестанно ублажает.

Вход. Прокимен дне.

Премудрости Соломоновы чтение (Глава 3)

Праведных души в руце Божией, и не прикоснется их мука. Непещевани быша в очесех безумных умрети, и вменися озлобление исход их. И еже от нас шествие сокрушение, они же суть в мире. Ибо пред лицем человеческим аще и муку приимут, упование их бессмертия исполнено. И вмале наказанс бывшé, великими благодетельствовани будут, яко Бог искусí я, и обрете их достойны себе. Яко злато в горнile искусí их, и яко всеплодие жертвенное прият я. И во время посещения их возсияют, и яко искры по стеблю потекут. Судят языкком и обладают людьми, и воцарится Господь в них во веки. Надеющийся Нань разумеют истину, и верний в любви пребудут Ему: яко благодать и милость в преподобных Его и посещение во избранных Его.

Премудрости Соломоновы чтение (Главы 5 и 6)

Праведницы во веки живут, и в Господе мзда их: и попечение их у Вышняго. Сего ради приимут царствие благолепия и венец доброты от руки Господни: зане десницею покрыет я, и мыщею защитит их. Приимет вскоружие рвение свое, и вооружит тварь в месть врагом. Облечется в броня правды, и возложит шлем, суд иелицемерен. Приимет щит непобедимый преподобие. Поостриг же напрасный гнев во оружие: споборет же с ним мир на безумных. Пойдут праволучныя стрелы молнии, и яко от благокругла лука облаков, на намерение полетят. И от каменомётных ярости исполнь падут грады. Вознегодует на них вода морская, реки же потопят я нагло. Сопротив станет им дух силы, и яко вихорь развеет их, и опустошит всю землю беззаконие, и злодейство превратит престолы сильных. Слыщите убо, царе, и разумейте, навыкните, судии концов земли. Виушите, держащии множества и гордящиися о народех языков, яко дана есть от Господа держава вам и сила от Вышняго.

Премудрости Соломоновы чтение (Главы 4 и 5)

Праведник, аще постигнет скончатися, в покой будет. Старость бо честна не многолетна, ниже в числе лет исчитается. Седина же есть мудрость человеком, и возраст старости, житие искверное. Благоугоден Богови быв, возлюблен бысть, и живый посреде грешник преставлен бысть. Восхищен бысть, да не злоба изменит разума его, или лесть ирельстит душу его. Раченис бо злобы помрачает добрая, и паренис похоти пременяет ум незлобив. Скончався в мале, исполни лета долго: угодно бо бе Господеви душа его. Сего ради потщася от среды лукавства. Людис же видевше, и не разумевше, ниже положше в помышлении таковое: яко благодать и милость в преподобных Его, и посещение во избранных Его.

На литии стихира, глас 6

Днесъ созывается к веселию вся Нижегородская земля/ и обитель Дивеевская торжествует:/ наста бо память преставления Марфы

преподобныя,/ во цвете юности избравшей тесную стезю./ Любовию Христовою побеждаема,/ Небесным Серафимам отроковица уподобилася есть,/ иныне приносим сей похвальная,/ не песньми токмо славяще, но и житию подражати желающе/ и славу Богу воздающе/ за таковую теплую молитвенницу о душах наших.

На стиховне стихиры, глас 2

Подобен: Егда от древа

Любовию Божественною измлада возгоревшися,/ преподобная мати наша Марфо,/ кротость, чистоту стяжавши и смирение,/ послушание Царицы Небесныя и старца Серафима исполнила еси/ и начальницею Небеснаго Дивеева ими нареченная,//ныне ликуеши во Царствии Небеснем.

Стих: Дивен Бог во святых своих, Бог Израилев.

Дивная отроковице,/ преславное житие твое – монашествующих украшение,/ от юных лет бо Христу от всяя души последовала еси/ и аки ангел на земли пожила еси,/ в подвигах неутомимая даже до смерти, мати наша Марфо.

Стих: Честна пред Господем смерть преподобных Его.

Веселися обитель Дивеевская,/ имущи в себе сокровище многоценнное/ честные моши Марфы досточудныя,/ источают бо обильныя дары целебныя/ с верою и любовию притекающим к ним.

Слава, глас 7

Егда свет Божественные любве возсия в сердце твоем/ и во обитель Дивеевскую вселилася еси,/ дух горящий непрестанно ко Господу возносила еси,/ от духовнаго отца своего преподобнаго Серафима наставляема,/ тогда исполнилася еси изобильно благодати

Духа Святаго,/ ныне ко спасению буди наставница величающим тя,//
Марфо приснопамятная.

И ныне праздника, глас 8

Девичстии лица/ днесь тайно одру Девы и Матере окрест
предстоят,/ и, души праведных обступивше, Царицу славят./ Ови убо
яко дар девство вместо мира приносят,/ ови же невещественное пение
с добродетелию приносят:/ подобает бо Матери Божии яко Царице/
царскими добродетельми светлосияющими дориноситися./ С нимиже
и мы, житие чистое совиёсше,/ изыдем к погребению сущия Матере
Бога нашего,/ пеньми и песньми духовными/ согласно Ю ублажающе.

НА УТРЕНИ

Тропарь святыя, глас 2

Равноапельное житие стяжавшая, «дивная отроковице»/ и
собеседнице иреподобного Серафима,/ госпоже и матери наша Марфо,/ ныне в мощех почиваеши/ и у Престола Божия предстоиши,/ моли о нас Милостиваго Бога, Небеснаго Дивеева начальнице.

По 1-м стихословии, седален, глас 7

Возсиявши яко звезда утренняя,/ яко светлое солнце память
честная преподобныя Марфы,/ просвещает жительствующия на месте
сем/ и согревает монашествующих сердца к подражанию жития ея
постищескаго/ к ревности о вере Христовой.

Слава и ныне праздника, седален, глас 4

Велением Зиждителя Твоего, рождшагося из Гебе,/ облак собра
апостолы Твое видети представление./ Темже и со славою и многим
веселием погребоша,/ воспевающе пречистое тело Твоего блаженства,
Мати Христа Бога.

По 2-м стихословии седален, глас 1

Осиясма ныне непрестанною славою Пресвятыя Троицы, мати наша Марфо,/ и Божественного веселия и радости исполнена,/ тепле о нас молися у Престола Пресвятыя Троицы избавитися нам муки вечныя.

Слава и ныне праздника, седален, глас 4

Апостольский лик, разсеянный по земли, собрася в Сионе,/ да предпослет от земли Богородицу к Вышнему, Егоже роди./ Силы Небесныя премирныя предтечаху, вкупе и ликоваху, духовнє зовуще:/ веселитесь, Небеса, приемще Божию Матерь,/ Иже владычествует видимыми и невидимыми.

Величание:

Ублажаем тя, преподобная мати наша Марфо, и чтим святую память твою, ты бо молиши о пас Христа Бога нашего.

По полиелеи седален, глас 1

Невеста прекрасная Чертога Царского/ преподобная Марфо/ в послушании, воздержании и молитве/ в обители нашей просиявшая и Начальницей Небесного Дивеева Богородицею избранная, молися прилежно о спасении душ наших.

Слава и ныне праздника, седален, глас 4

Возопий, Давиде, что сей праздник,/ егоже воспел сси дресьле в книзе псаломстей?/ Яко Дщерь, Богоотроковицу и Деву, преложи Ю на оны обители Христос,/ Иже из Нея без семене рождся./ И сего ради радуются матери, и дщери, и невесты Христовы, вопиюще:/ радуйся, преставившаяся к Вышнему Царствию.

Прокимен: Дивен Бог во святых Своих, Бог Израилев.

Стих: В церквях благословите Бога, Господа от источников израилевых.

Всякое дыхание:

Евангелие: от Матфеа, начало 104

По 50 псалме стихира, глас 6

Марфо богоносная,/ послушание и безмолвие от юности
взлюбившая,/ чадо возлюбленное преподобного Серафима,/ просиявшая в молитве и посте,/ крест скорбей, болезней и трудов даже
до смерти понесшая/ Христа ради Небесного Жениха,/ венцы многими
от Него украшенная,/ молися о чтуших тя.

КАНОН

глас 8

Песнь 1

Ирмос: Колеснице гонителя:

Боже всех, дар словесе подаждь ми, Твоему рабу,/ ныне начинаящему хвалити песнями в Четвертом уделе Божия Матере просиявшую отроковицу дивную, преподобную матерь нашу Марфу.

Преподобную Марфу песнями почтим,/ благословение Пресвятая Девы исполнившую,/ велия бо есть угодница Божия,/ наша теплая представительница и молитвенница непрестанная о спасении душ наших.

Праведно есть восхвалити преподобную Марфу,/ отроковицу непорочную, в подвигах с древними отцами равночестную/ и Небесного Дивеева начальницу.

Богородичен: Радуйся, Пресвятая Госпоже, освятившая Дивеево Твоим пришествием,/ радуйся, насадившая веру истинную, радуйся, собравшая монашествующих множество.

Песнь 3

Ирмос: Небесного круга:

Великое смотрение Божие от утробы матери тя освяти/ и сосуд показа благоприятен Святого Духа,/ темже от младенства присно была Божию Материю ограждаема.

Вкоренившееся в души твоей желание неизреченное красоты
Христовы стяжавши,/ радостно с сестрою Параскевою к старцу
Серафиму в дальнюю пустынку потекла еси.

Мужество души твоя провидя, преподобный Серафим/ в
Дивеевскую общину отроковицу тя, тринаадесяти лет сущую,/ жительствовати направи.

Богородичен: Радуйся, во Удел Себе Дивеево избравшая,/ радуйся, Заступницею места сего быти изволившая;/ радуйся, верным, пребывающим зде, Подательнице земных благ;/ радуйся, Споручнице вечнаго их спасения.

Кондак и икос праздника

Слава, седален, глас 2

Вся временная мира сего прозревши,/ Небеснаго возжелела еси./ Молчанием, кротостию и смиренiem от юности твоя образ равноангельнаго жития явила еси,/ Небеснаго Дивеева начальнице,/ преподобная мати наша Марфо.

И ныне праздника

Всечестный лик премудрых апостол собрася чудно/ погребсти славно тело Твое пречистое, Богородице Всепетая./ С нимиже воспеша и Ангел множество, преставление Твое честно хваляще,/ еже верою иразднуем.

Песнь 4

Ирмос: Ты моя крепость, Господи:

Царствие Божие внутрь тебе сущее измлада познала еси и житие твое краткое подвигами суровыми украсила еси, любовию к Жениху Небесному горящи.

Стопами Богоотроковицы Марии шествовала еси, служение Марфы и Марии соединяющи, яко Марфа в послушании пребывши и яко Мария выну при ногу Иисусову приседящи.

Пищею молитву непрестанную имаше, в кротости небесней и молчании во обители пожила еси,/ Марфо всехвальная, чадо возлюбленное преподобнаго Серафима.

Бога возлюбивши от всяя души, преподобная,/ в целомудрии и подвигах сестер всех превзошла еси/ и в молитве непрестанной дух ко Господу возносила еси.

Богородичен: Радуйся, теплая Ходатаице о живущих в Четвертом Жребии Твоем;/ радуйся, милость Сына Твоего до скончания века месту сему обещавшая;/ радуйся, радосте и спасение душ наших.

Песнь 5

Ирмос: Вскую мя отринул еси:

Сиасительным имснем Иисусовым поучалася еси присно,/ ведуще Единаго Христа и Сего распятаго,/ ум свой просвещающи Божественным Свистом,/ сердце же услаждающи умилением и радостию,/ юже молитвами твоими и нам подавай, поминающим тя.

Песнь сугубую приношу твоему терпению и кротости, мати Марфо,/ како смирялася еси, болезни и скорби иноческаго жития мужески претерпевающи.

Собеседнице и любимая послушница преподобнаго Серафима, Марфо юная,/ изрядно во обители потрудилася еси и в молчании выну пребывала еси,/ тайны будущия славы обители Дивеевский сохраняющи.

Богородичен: Радуйся, Дево, яко благословением Твоим осени Дивеево сила Вышняго;/ радуйся, яко обитель Твоя наполнившася подвизающими; / радуйся, яко просия зде множество преподобных, молящихся о спасении душ наших.

Песнь 6

Ирмос: *Очисти мя, Спасе:*

Труды постническими и медом безстрастия наслаждалася еси,/ скрывающи себе мирского жития в общине преподобныя Александры и ея подвигом ревиующи.

Без плотную во плоти видеша тя сестры твоя,/ во отрочестве паче старии духовно просиявшую.

Многоразличныя подвиги во обители Дивеевской совершивши,/ сими от земли воспарила еси во Обители Небесныя,/ яко златая голубица,/ идеже помяни и нас, восхваляющих тя.

Богородичен: Радуйся, яко на наследие Твое присно призираеши;/ радуйся, яко благодати и милости Своя сподобляеши нас;/ радуйся, благословение Сына Твоего на нас низводящая.

Кондак, глас 8

Небесною кротостию, молчанием и неземною радостию исполнилася еси,/ юная и невиданная доселе в Дивееве отроковице,/ преисподобная мати наша Марфо,/ в великую схиму от преподобного Серафима облеченнная,/ темже водворилася еси с мудрыми девами в Небесном чертозе/ и со Ангелы Всецарю непрестанно предстоиши.

Икос

Вся силы небесныя радостно прияша душу твою, преподобная мати Марфо,/ и вознесоша ю во Обители Небесныя, идеже ныне почиваеши близ Пресвятая Троицы,/ начальницею Небеснаго Дивеева нареченная и велие дерзновение у Господа улучившая,/ не забывай о нас, земных чадех твоих, и поминай нас у Престола Божия.

Песнь 7

Ирмос: *Отроцы еврейстии в пеци:*

Дивно долготерпение твое, о мати Марфо, ибо велия скорби и болезни яко дар Божий восприяла еси. Укрепи нас молитвами твоими, в нетерпснии и малодушии изнемогающих, болезни пути узкаго претерпети, имже в вечный живот внидем.

Жениха приити хотяща в полунощи, яко слышавши,/ не дала еси сна очима твоима,/ но, молитву Иисусову непрестанно творящи,/ мудрым девам сопричиталася еси.

Духовне зряще твое в высия чины Херувимов и Серафимов устремление, преподобный отец наш Серафим в великий ангельский образ тебе, отроковицу Марию, облече и схимонахиню Марфою тя нарече.

Богородичен: Радуйся, всяких даров рабом Твоим Всепцедрая Подательнице;/ радуйся, во брани, в болезнях и трудех их иремилосердая Утешительнице;/ радуйся, надеждо и спасение душ наших.

Песнь 8

Ирмос: *Седмерицею пеци:*

От ревности святей силы телесныя даже до смерти истощила еси, камень за каменем в построение храма Божия полагающи, и тако в трудех и молитве непрестанной душу святую в руце Божии предала еси.

Плакаш преподобный Серафим, кончину блаженныя Марфы духом предуведевший,/ и душу ся в Царствии Небеснем близ Святыя Троицы узрел есть.

Царица Небесс и земли по отшествии твоем, прияла есть тя, мати Марфо, безмолвием и молитвою Ей много угодившую, в лик святых дев, Ею возлюбленных и Ей у Престола Божия сопредстоящих.

Богородичен: Радуйся, Хранительнице наша в настоящем веце;/ радуйся, Предстательнице и непостыдное упование в будущем;/ радуйся, прилог всякаго зла от жребия Своего последняго отражающая.

Песнь 9

Ирмос: Ужасеся о сем Небо:

Преподобная мати наша Марфо, Царицы Небесныя послушнице истиинная, начала тьмы пособием Ея победивши,/ плоть умертвивши и дух ожививши,/ благодати приявшая Божественное действие,/ не престай молящися за ны ко Господу.

Победила еси тьмочисленная коварства врага, стезею тесною шествовавши,/ и Подвигоположнику Господу угодила еси,/ от Негоже венец приемши,/ чудес источник стяжала еси, светлое воздаяние.

Божественная рака моцей твоих благоухает паче иных аромат, чувства всех и сердца услаждающи, преподобная,/ притекающих в храм Рождества Пречистыя Богородицы.

Юже ты работено принесох, окаянныи, песнь приими, преблаженная мати,/ и воздаждь свыше благодать, недугов избавляющи и искушений,/ всегда судити ми ся, представши, избави мучения, собеседнице Ангелов.

Богородичен: Песни благодарственныея все мы в обители сей святой живущий приносим Ти, Мати Божия,/ яко спасаеш нас присно от всякаго обстояния,/ питаети, устроиши и о нас промышляши./ Но

молим Ти ся,/ и Божественного Царствия по кончине нашей сподоби нас.

Светилен, Подобен: Чертог Твой

Радуйся, Дивеевская обитель славная,/ молитвенницу имущи просиявшую в тебе/ преподобную мати Марфу/ вкупе с преисподобными Александрою и Еленою,/ днесь о нас молящихся прилежно избавитися нам муки вечныя.

На хвалитех

Стихиры праздника на 3, глас 4

Подобен: Яко добля:

В славном успении Твоем/ Небеса радуются,/ и ангельская возрадовавшаяся воинства,/ вся же земля веселится, песнь Тебе исходную провозглашающи,/ Матери всеми Владычествующаго,/ Неискусобрачная Пресвятая Дево,// Яже род человеческий избавльшая прародительного осуждения.

От конец стекошаяся апостолов лучшии,/ богоначальным мановением, погребсти Тя,/ и от земли вземлему Тя к высоте зряще,/ глас Гавриилов радостию вопияху Тебе:/ радуйся, Носило Божества всего./ Радуйся, Едина, земная с Вышними/ Рождеством Твоим совокупльшая.

Яже живот рождшая,/ к жизни преминула еси,/ честным успением Твоим, бессмертней,/ дориносящим Тя Ангелом, Началом и Силам,/ апостолом и пророком и всей твари,/ приемшу же нетленными дланьми Сыну Твоему/ непорочную душу Твою,/ Дево Мати Богоневесто.

Стихиры преподобной Марфы, глас 5,

Подобен: Радуйся

Радуйся, Небеснаго Дивеева начальнице,/ преподобная мати наша Марфо,/ яко небо светлыми звездами украшаемо,/ житие твое многими подвиги преисполнено;/ младенствующи леты, духовною крепостию утвердилася еси/ и от Господа великия схимы удостоилася еси;/ помози и нам нелсностию во спасение трудитися/ и единому Богу послужити,/ Егоже моли даровати душам нашим мир и велию милость.

Радуйся, дивная и несравненная отроковице,/ яко крин любовию Божественною процветшая,/ выну возносила еси свой горящий дух ко Господу,/ юным сердцем возлюбивши Жениха Небеснаго;/ радуйся, преподобного Серафима сотайннице,/ любительнице безмолвия и целомудрия,/ лицом мудрых дев сочтавшаяся/ и Христу уневестившаяся светло,/ испроси притекающим к раце твоей цельбоносней/ печалей утоление, болезней исцеление,/ благодать в подвигах любве и смиренного ближним служения,/ и душам нашим мир и велию милость.

Радуйся, преподобная мати наша Марфо,/ начальнице Дивеева Небеснаго,/ в бдениях и молитвах неутомимая,/ лоза плодовита во младых летех явилася еси,/ показавши, яко воистину возраст старости – житие нескверное,/ кончиною благою скончавшая житие твое/ и ныне со ангелы предстоящая огнезрачному Престолу Вседержителя,/ поминай чтущих успение твое честное/ и молися ко Господу даровати душам нашим мир и велию милость.

Слава, глас 8 «О преславнаго чудесе!»

О преславнаго чудесе!/ О новаго начинания,/ исполненис наста обетования всеславнаго:/ днесь Небесная Игумения обители прославляется,/ ангелы, Богоневесто, удивляет Твоих таин глубина,/

Дивеево, Тобою возлюбленное, николиже оставляеши/, и по кончине избраницы Твося преподобныя Марфы/ явилася еси с нею во храме во свете несказанном,/ приемлеши бо ея молитвы за Обитель яко Милостивая.

И ныне праздника, глас 6

На безсмертнос Твое успение,/ Богородице, Мати Живота,/ облацы апостолы по воздуху восхищаху,/ и, по миру разсейнныя,/ во едином лице предсташа пресвятому Твоему телу,/ еже и погребше честно,/ глас Тебе Гавриилов поюще, вопияху:/ радуйся, Благодатная Дево,/ Мати Безневестная, Господь с Тобою./ С нимиже, яко Сына Твоего и Бога нашего моли/ спастися душам нашим.

На литургии

Блаженны праздника песнь 7 на 4, преп. Марфе песнь 3 на 4

Прокимен, глас 4: Дивен Бог во святых Своих, Бог Израилев.

Стих: В церквах благословите Бога, Господа от источник Израилевых.

Апостол к Галатам, зач. 208

Аллилуиа, глас 1: Терпя потерпех Господа, и внят ми и услыша молитву мою.

Евангелие Матфея зач. 104

Причастен: В память вечную будет праведник.

Молитва

О, богомудрая и дивная отроковиц, сосуде благодати Божия, в простоте голубиной пожившая, кротостию небесною, чистотою и послушанием просиявшая, сотайннице преподобного Серафима, Небесного Дивеева начальнице, госпоже и матери наша Марфо, буди любящим и чтущим тя ходатаица спасения, в страсе Божием нас утверди, да горняя мудрствуем, а не земная, изнемогающая силы наша на бодрость премени, в любви и единомыслии укрепи и помяни нас, грешных, у Престола Божия во Царствии Небесном.